



堯山堂外紀卷八十五

晉陵蔣仲舒編

國朝

施槃

字宗銘蘇之東洞庭山人正統戊午吳縣學池蓮一壘三卷巡撫周公忱見之

曰行有當之者明年槃以縣學生狀元及第年纔二十餘時皆以洛陽年少遇之公卿爭前席亡何遽卒

施槃少有奇質其父携之商山陽主富人羅鐸家有張都憲者來飲鐸命其子與槃偕出見都憲

令屬對曰新月如弓。殘月如弓。上弦弓。下弦弓。
繁應曰朝霞似錦。晚霞似錦。東川錦。西川錦。都
憲異之。謂鐸曰有資如此。何不成之。鐸即俾與
子同學。給其貲費。業成還鄉。久之登薦魁天下。
時年二十三。

施槃常咏蝴蝶云。莫怪風前多落魄。三春應作採
花郎。赴會試留別云。紅雲紫霧三千里。黃卷青
燈十二時。息榮宴賦詩曰。千里觀光我獨行。辭

親無奈惜離情。玉堂未擬登三輔。金榜先叨第
一名。麟鳳駢臻。欣道秦車書混。一仰文明太平。
天子恩如海。虎嘯龍吟會匪輕。

張和字節之。號篠菴。崑山人。施槃榜進士。既仕。猶學讀漢書。必三十遍。

張篠菴初登第。施狀元一日出釋老侮孔子圖。即
口占云。釋老倡狂侮大儒。書生為爾發長吁。不
知過宋圍匡日。還似于今畫裏無。又曰。拂鬚揮
鼻彼何人。放誕能無愧此身。名教萬年齊日月。

須知魯國一儒真

張篠庵眇一目嘗贊千眼觀音云汝有千目衆皆
了。了。我有雙目一明一眇多者忒多少者忒少
宣城湛銓構南山清隱張篠庵贈詩曰遁跡甘從
鹿豕羣南山深處隔囂氛屋前流水連青嶂皆
下寒松護白雲栗里自芻元亮酒草堂不辱穉
珪文紛紛車馬塵中客高節能無愧隱君
天順間張節之官浙江憲副時寵妾新亾有悼詩

云桃葉歌殘思不勝西風吹淚結紅冰樂天老
去風流減子野歸來感慨增花逐水流春不管
雨隨雲散事難憑夜來書館寒威重誰送薰香
半臂綾

林聰

字季聰閩寧德人
施槃榜進士

林莊敏公九歲時邑宰包姓者謁其尊翁梅所先
生公侍側有白犬在門顧梅所包曰公子能對
乎梅所曰頗能包出句云白犬當門兩眼睜睜

惟顧主公應聲曰黃蜂出洞一心耿耿只隨玉
包嘆異曰公輔之器也

林莊敏公初爲給事中言謫國子學正嘗坐率
性堂有書懷詩曰東風吹雪弄餘寒樸棧歌來
興未闌聖世誰云輕冷職菲林元不稱言官蠹
芸香煖圖書靜爐篆煙銷午漏殘自笑此身宜
懶散敝冠塵土不須彈

成化間林莊敏公爲司寇一日與陝西楊司馬鼎

會坐林戲曰胡兒十歲能騎馬蓋楊多鬚須而年
少之故楊遽荅曰癩子三年不似人林在位已
久而閩地有癩也

劉儼

字宣化號時
雨吉水人

正統七年廷試進士姚夔等百五十八人劉儼擢第
一有邵進者在甲尾劉嘗致柬于邵自稱爲年
未或謂邵云劉公笑子殿甲尾故云然邵怒曰
狀元不是工夫上人做我見劉必辱之笑而解

之以詩云狀元本是龍頭選龍尾分明屬邵卿
龍尾棹時天必雨龍頭未必敢相輕邵聞之亦
解顏

姚夔

字大章浙桐廬人正統中鄉會試皆第一國朝謚法出自翰林者得謚曰文著

魏驥謚文靖葉盛謚文莊吳訥謚文恪夔謚文敏皆不由翰林

本朝開科取士京畿與各布政司鄉試在子卯年
百年秋八月禮部會試在丑辰未戌年春二月
蓋定規也洪武癸未 太宗渡江天順癸未貢

院火皆以其年八月會試明年三月殿試於是

二次有甲申科貢院火時舉人死者九十餘人

蘇州奚昌元啓為詩云回祿如何也忌才春風

散作禮闈災碧桃難向邊種丹桂翻從火裏開

豪氣滿場爭吐焰壯心一夜盡成灰曲江勝事

今何在白骨稜稜漫作堆是年姚夔為知貢舉

官自謂不能致防殃及賢俊請諭祭于郊祭時

夔伏地慟哭觀者以萬數哀震數里時御史焦顯為監臨

官火起顯鎖其門不容出入致死者藉藉後人
詩云先兆或從焦御史未然奎焰可為災
昌弱冠領鄉薦負重名一日游金陵少宗伯倪
公克讓適生子設湯餅會元啓與焉賀以詩所
生子即大宗伯舜咨也後元啓贈禮闈三十
年至宗伯為翰林編修佐試始獲一第因題其
坊曰
老桂

舊制學校生員廩膳有額增廣無額故名之增廣
亦有額自宣德四年始至景泰元年照舊無額
後成化三年又額時京師語曰和尚普度秀才
拘數禮部姚夔顛覆國祚不得已又附學之名

立焉

周洪謨

字堯佐四川長寧人商輅榜第二初
鄉試以成場中解元減場者頭場止

經書義五篇
國初舊制也

周文安公赴公車日舟泊邗江夜見一異人謂曰

吾子前身也前程萬里終身清要公問子何人

曰吾友鶴山人也姓丁家維揚及公官南京翰

林以詩試維揚太守三原王侯怒曰生死輪迴

事杳冥前身幻出鶴仙靈當年一覺揚州夢華

表歸來又姓丁。侯得詩甚訝。集郡中耆者詢之。
羅文節曰：友鶴山人名鶴，年吾友丁宗啓之父。
父官武昌，遂家焉。伯氏登進士者三人，友鶴獨
恬然布素，以詩名家。元末隱處，至建文元年沒
于成都。以儒雅重于藩王，有德人也。侯即以此
復公世以爲異，如羊祜、房瑄之事云。

卞榮

字華伯，江陰人。商輅榜進士。善畫，世所珍。卞郎中山水是也。

卞郎中榮姚御史綬皆一時詩人，嘗集古句聯老

妓詩云：天涯歸計欲如何，記得雲間第一歌。
氣力已無心尚在，鬢毛白盡興還多。池邊命酒憐
風雨，洞口經春長薜蘿。畱得舊時殘錦在，往來
星騎一相過。

卞戶部未第時一日過常熟，聞錢允暉曄詩名，往
謁之。二公未嘗會晤，卞及門與鬪者曰：可語汝
主詩人特相訪，錢訝何人自負如此。適讌客有
妓，錢令僕者出語之曰：若賦贈妓詩一絕，方接

見仍以艤降湘爲韻卞不構思一揮而就詩曰
琵琶斜拖出舳艤。貌與荷花兩不降。今夜彩雲
何處宿。空畱明月照瀟湘。允暉見詩嘆服不已
倒屣迎入遂定交焉

卞榮在某閣老坐適外報某廷試首選矣閣老曰
狀元却是瞌睡漢卞荅曰宰相須用讀書人蓋
諷之也

岳正

字季方號蒙泉順天灤縣人正統戊辰
會試考官誤置落卷侍講杜寧取第一

廷試前一月上夢儒釋道三人來見至
揭曉狀元彭時由儒士榜眼陳鑑幼曾為
神樂觀道童正為探花
幼曾為慶壽寺書記云

天順初岳季方自翰林入閣英廟深所眷注後

爲曹石所嫉謫欽州同知瀕行親交無敢送者
欽天監漏刻博士馬軾餞以詩曰灤江江上水
悠悠送客江邊莫上樓五嶺瘴高煙蔽日兩孤
雲濕雨鳴秋豐城劍氣東南起合浦珠光晝夜
浮祭罷鱷魚歸去晚刺桐花外月如鉤季方宿

張家灣舟中用韻賦和曰被罪承恩嶺外遊思
鄉何處仲宣樓風霜萬里蠻荒夜煙雨三江澤
國秋不信功名成夢覺蚤聞富貴等雲浮令人
却羨桐江叟長擁羊裘把釣鈎

岳季方將赴欽州道瀨縣以母老畱閱月爲曹石
黨所訐逮繫錦衣衛獄拷掠備至謫戍甘肅有
自京師來者傳夫語於甘曰岳正倒好只是大
膽或以賀岳曰上念公如此行召公矣曹生爲

寫容遂隲括其辭題于上云岳正倒好只是大
膽惟帝念哉必當有感如或赦汝再敢不敢臣

嘗聞大人之言蓋將之死而靡憾也

公性不能
容人或謂

公曰不聞宰相腹中撐舟乎曰順
撐來可容使縱橫來安容得耶

成化初有忌岳正者偽爲正劾內閣李賢疏草賢
銜之會部院大臣薦正宜大用賢乃假歷練之
說票旨陞知興化府命下有以濯足圖求題者
正感而有作曰踏遍天涯兩足存西馳未定又

南奔人間有水皆堪濯。何必滄浪一段渾。

岳季方在興化有燕臺懷古一律云督亢陂荒蔓
草生。廣陽宮廢故城平。秋風易水人何在。午夜
蘆溝月自明。召伯封疆經幾換。荆卿事業尚虛
名。黃金不置高臺上。似怪年來士價輕。

岳蒙泉有古樂府二闕短短床太跼促徒能坦郎
腹未得展郎足。縱郎有意爲合歡。床短安能薦
郎宿。太跼促短短床。流蘇苦不長。蘭麝無馨

香郎欲招妾。妾不來。可憐春色空輝光。

柯潛

字孟時別號竹岳景泰辛未狀元聞翰
林有亭一區曰柯亭有柏二株曰柯學

栢士

杭州徐童子霖五六歲精於書法柯學士潛贈詩
云徐家之子真奇絕。風骨自與凡人別。神駒矯
矯步天衢。雛鳳翩翩出丹穴。前身可是張文舒。
不然年纔五六那能書。當筵握筆不停手。驚風
颯颯蛟龍走。掃盡鸞箋三百張。鐵畫銀鈎大如

斗君不見東隣老翁生一子。癡絕無才事純綺。從來紙筆不相親。見此奇才應愧死。

成化初兵書王紘致仕歸河州柯學士潛有詩送之末云不知白髮隆鍾者猶踏清霜候早朝吏書王翺見之曰柯君此詩蓋謂我也

陸景 字孟昭蘇之太倉人柯潛榜進士倘儻好客時人擬為鄭當時陳孟公

陸景為刑部郎中嘗往一朝士家駕牛投刺不書名惟云東海釣鰲客過朝士歸見之知為景也

亦遞一帖云西番進象人來蓋景黑面白齒人

皆朝為象奴云景與麗水金文二人皆景泰二

年進士善戲謔文嘗朝景曰黑象口中含玉齒

景應聲曰烏龜背上嵌金文又聞一朝士麻臉

而眇一目眇士戲麻士云麻臉鬚鬚羊肚石倒栽蒲草麻士荅云歪腮白眼海螺杯斜嵌珍珠象為之絕倒

陸景自以歷任年深當有不次之擢道逢刑部尚

書陸公瑜大理卿王公槩乘肩輿因避馬即為

口號云陸老前頭去王公逐後來明年二三月
也有轎兒擡諸公聞而惡之遂有福建參政之
擬臬行察案餞之對眾朗吟云非是區區欲大
參奈因兩鬢雪穆穆諸公側耳朝端聽一道清
風振斗南後又寄詩京師諸故舊云再三上覆
眾哥哥人事無多沒奈何只有新書并手帕竝
無段足與紗羅聞者益怒遂不復進云

陸孟昭居郎署時好結納四方邸第外隙地構屋

數間扁曰清風館朝士迎送必假之爲宴樂盃
昭復益以餽酒不惜所費一日風雨大作平地
水深三尺館爲之傾客有戲之者云昨日清風
館今朝白水村水退孟昭復新之方落成已擢
閩省藩叅其居轉與侍郎滕某滕蓋白水村人
一時戲語遂成讖云

彭華

安福人景泰五年會元是科狀元孫賢
河南人榜眼徐溥宜興人探花徐鎰武
進人賢面黑溥面白鎰面黃
時謂鐵狀元銀榜眼金探花

景泰甲戌選進士十八人改翰林庶吉士入館脩
寰宇通志書成授官首則丘文莊公濬次則彭
學士華尹學士直俱編脩而牛綸以太監玉姪
亦與焉脩書兼攻課業惟此科為然彭長於絕
句詠陶淵明云解印歸來雪鬢飄呼童滴露寫
前朝丁寧莫取江頭水恐是金陵一夜潮題王
明妃云抱得琵琶不忍彈胡沙獵獵雪漫漫曉
來馬上寒如許信是將軍出塞難

鄭文康

崑山人
生有疾第後不受
職歸臥山林清望從耳然

天順初有歐御史者考選學校士去畱多不公富
室子弟懼黜者或以賄免鄭文康送一被黜生
詩篇末云王嬙本是傾城色愛惜黃金自誤身
時有被黜者相率鳴訴于巡撫曹州李公秉公
不為理未幾李得代順德崔公恭繼之諸生復
往訴公一一親試之取其可者檄送入學不數
年有中鄉試者有登進士第者

黎淳 字太樸號樸庵岳之華容人

天順丁丑黎淳會試入京已二月四日矣禮部主司嫌其遲至拒之曰少汝作狀元邪淳應聲曰此亦在吾輩也至邸見壁題畫有云昨夜簷前乾鵲噪聲聲報道狀元來已而果舉第一黎淳性淳厚不事遊冶自言絕跡青樓同輩欲戲之使人先約妓曰若遇吾輩同行爾可呼黎淳吾輩當至也一日相邀過之見一妓以手招呼

曰黎淳黎淳諸友哄然排之淳不與辯即口占曰十里紅樓五里程忽聞花底喚黎淳狀元本是天生定故遣嫦娥報姓名雖談笑中其自負如此

陸鈇

字鼎儀號靜逸崑山人與張滄洲同年進士張名泰字亨父尤長於詩

天順癸未崑山陸文量會試寓京邸戲為魁星圖左手握筆一枝右手握鋸一錠取必定意文量題其上云天門之下有鬼踢斗癸未之魁必定

入手貼於坐壁亡何失去時陸鼎儀寓友人溫
秉中家出以爲玩文量爲之惘然問所從來云
昨日倚門一兒持此示我以果易之文量默以
爲吾二人得失之兆矣未幾鼎儀中第一名文
量下第

陸靜逸嘗對景試張滄洲云楊柳花飛平地上滾
將春去滄洲應聲答云梧桐葉落半空中撒下
秋來

陸鼎儀張亨父同在翰林日招李西涯謝方石不
赴聯句東之李倡云月白庭空樹影寒謝云禁
林高處有棲鸞一枝自分鷓鴣足李云兩地休
憐羽翼卑東壁往年詩在否謝云西堂深夜夢
回難懷人豈必仍千里李云幾度書來墨未乾

羅璟

字明仲號冰玉泰和
人天順甲申探花

羅璟自習舉子業至登科不知何謂之詩後考庶
吉士學士試以秋宮怨默然無以答遍問同考

者同考對以韻脚起結聯對如此然後即作一
詩云獨倚欄杆強笑歌香肌消瘦怯春羅羞將
舊恨題紅葉添得新愁上翠娥雨過玉階秋色
淨月明青瑣夜涼多平生不識春風面天地無
情奈老何主試者語之曰爾後必能詩已而果
然

羅明仲爲福建提學日同年謝方石李西涯忽憶
念之因聯句以寄謝倡云落落平生幾憶君李

云舊遊風月尚朝曛詩豪慣作分壇戰謝云談
洵真疑隔坐聞人道越閩今闕里李云天教房
杜出河汾詞林好是優閒地謝云白髮休看鏡
裡勳

山陰司馬通伯璽乃羅永玉春闈所取士也同爲
閩臬副使一日偶竝坐羅貽詩云歲在壬辰春
試勞至今朝著列英豪此行亦有堪誇處座主
門生相竝高司馬遂爲肉袒

堯山堂外紀卷八十六

晉陵蔣仲舒編

國朝

程信

字彥實世居徽之休寧敏政學士之父劉儼榜進士號晴洲釣者

程襄毅公叅贊南都日左璫安寧時為守備燕公

設席中為已坐而以公位其下公心不平蓋中

官雖為主亦居首席六卿而下皆列坐焉公戲

為一絕云主人首席客居旁此理分明大不祥

若使周公來，宋備定因屋。上放交床安，見詩遂分賓主。

李西涯為程襄毅公賦晴洲釣者曰：一曲晴洲勝浣花。尚書不似野人家。溪頭雨過雲隨日，浦口鷗來水動沙。詩興平生在泉石，宦途憂國換年華。江南舊宅經遊地，分付春風管釣槎。

盛景 字允高，吳江人。柯潛榜進士。

盛允高初為御史，有聲。後奏事被謫，為古田典史。

未幾陞羅江知縣。所至皆有山水之勝，為詩曰：性懶才疎官亦拙，天然處處有青山。銓司頗信

為知命，一度遷移，一度閑。羅江縣公署後有土地祠，前令所主頗著。

靈異，令有事必禱焉。祭享無虛月，自景蒞任，不復然。一日私解，失所畜雞，尋之乃在神前，舒翼伏地，如被釘者。以問與皂輩，皆言神以久不祭，故見譴耳。景怒，至神祠斥數其神，因舉意欲毀之。是夜夢中見神來謝罪，懇曰：余血食於此者累年，不敢為過。昨日雞被釘，乃鬼卒輩苦饑，故為之。非余敢然也。公幸憐之，勿毀。景不許。明旦遂撒去之。其前令者既秩滿，即畱家於縣署。後夜夢神來訴乞立廟，詰之曰：何不更訴新令？神蹙額曰：須公自為之耳。彼盛公嚴威，不敢干也。

今乃即所居
苟建祠祀之

張寧

字靖之號方洲海寧人孫賢榜進士景泰天順間為諫官第一英廟嘗稱為

我張寧云

張方洲有感事詩二首益為英宗北狩而作其

一云羽書昨夜報居庸百萬雄師下九重天子

垂衣臨大漠羣臣端笏扈元戎禁中已乏回天

諫關外誰成闢地功千古澶淵扶日轂令人長

憶寇萊公其二云寶馬朱輪接上游時危誰解

奉天憂鼎湖龍去英雄盡劔閣雲深日月愁玉

輦已隨胡地草青山依舊漢宮秋元勳野死潼

關破誤國何人更首丘

成化初張方洲忤權要出為汀州知府無何引疾

歸田雅好山水歲率一再至杭州至輒攜親朋

出遊西湖訪孤山吊岳墳登天竺綵舟蠟屐隨

意所之興至呼筆大篇短章頃刻立就題蘇堤

春曉云楊柳滿長堤花明路不迷畫船人未起

側枕聽鶯啼。平湖秋月云風靜。片雲消。寒波浸。
涼月。疑有夜吟人。推蓬落楓葉。花港觀漁云圍
圍復洋洋。菱青露藻香。前湖張水戲。誰解步濠
梁。柳浪聞鶯云。藜杖憇蘇灣。風溫翠漲閒。驚聞
雙語鳥。如在畫船間。三潭印月云。片月生滄海。
三潭處處明。夜船歌舞處。人在鏡中行。南屏曉
鐘云。幽夢忽驚覺。嚴城方向晨。看花春起早。已
有曉妝人。兩峰出雲云。南峰雲乍晴。北峰雲欲

雨。中有化霖人。高眠兩峰裏。雷峰夕照云。爽朗
忽蒼茫。山高易夕陽。百年歌舞地。消得幾昏黃。
麴院風荷云。涼氣度方洲。香來水正流。時聞採
蓮曲。不見採蓮舟。孤山梅雪云。春意逼溪橋。寒
香閉蓬戶。山人不出門。驛使在途旅。

方洲又善丹青題。若水石榴圖云。涼風蕭颯紅錦
裳。翠袍漸染燕支香。琅玕枝重壓欲折。青女夜
拆珍珠囊。金鋼碾碎鴉鶻石。絳綃迸徹玲瓏色。

葡萄。酒。盡。蔗。漿。空。一。顆。靈。丹。透。詩。骨。又。批。杷。圖。

云。東。州。奇。花。凌。早。寒。吳。山。月。廊。香。半。酣。何。人。誤。

作。上。林。賦。病。骨。却。思。黃。蠟。丸。同。時。不。數。楊。家。果。

三。寸。吳。柑。空。萬。顆。會。須。載。酒。醉。西。園。一。樹。黃。金。

壓。枝。墮。方洲有二妾一寒香姓高氏一晚翠姓李氏年可十六七皆端潔慧悟公老益

愛重之及病將革無子諸姬年長者悉命出之二氏獨不忍去因泣請曰妾二人有死無貳幸

及公目未瞑願賜一閣同處且封鑰之第雷一寶以進湯粥誓以死殉公也遂引刀各截其髮

以示無他腸公命從之乃寂居小閣絕不與外間通聲問及卒乃設席閣中旦夕哭臨服三年

喪不闕戶者五十餘年嗣子曰嘉秀字文英萊嘉靖己丑進士其畫錦歸也二氏因語人曰妾

等犬馬之齒已踰七旬幸不辱先公于地下他日相從可無汗顏矣又况有佳後邪于是即日

令啓鑰而出之則皤然雙老媪矣親戚莫不憐且敬之遂為之奏聞旌之曰雙節云

丘濬字仲深號瓊山孫賢榜進士最號博學

有一屋散錢却少一條索子公聞之曰劉先生有一屋索子却少散錢蓋報之也其所作史論必以嗚呼起

之人遂稱為丘嗚呼

瓊州定安縣南有五指山即黎母山瓊崖之望也

丘文莊公少時詠詩曰五峰如指翠相連撐起

光緒外已卷八十六

六

炎州半壁，天夜盪銀河。摘星斗，朝探碧落，弄雲
煙，雨餘玉筍空中見。月出明珠掌上懸。豈是巨
靈伸一臂，遙從海外數中原。識者知其異日必
貴，後竟如言。

丘瓊山嘗過金陵，寓新河客邸。鄉友馮元吉誦宋
人周明老龜山迴文詩，瓊山笑曰：「此詩用意曲
折，命辭瀏亮，信為難及矣。但其中潮浪浦泉波
水等字太多，不免重複。」既曰「綠水」，又有「雲接海

之句，則一意而兩出矣。當漁舟釣月之時，又安
得紅霞映日乎？乃以夜宿江館為題，次韻一首。
曰：潮生海岸兩崖傾，落月江楓映火明。橋透白
波流水遠，屋連紅樹帶霜清。迢迢漏盡寒更曉，
片片雲收夜雨晴。遙望楚天江渺渺，
落鴻輕處芰蒲盡處。

丘文莊公學博貌古，然心術不可知。嘗與同寅劉
閣老吉不協，劉作一對書其門曰：「貌如盧杞心

尤險學比荆公性更偏時論頗以為然

丘嘗以

淨拌水粉之瀝乾計粉二分白麩一分搜和團為餅其中餡隨用燂熟為供軟膩甚適口以此餅托中官進上上食之嘉命尚膳監效為之進食不中式司膳者俱被責蓋不知丘之法製耳因請之丘不告以故中官嘆曰以飲食服飾車馬器用進上取宥此吾內臣供奉之職非宰相事也識者貴其言而鄙丘由是京師傳為閣老餅又所進衍義補中間並無斤及內臣一言說者謂其書必欲進上必揣近侍喜斯刻之此其心術之微也

丘仲深初與餘姚戚文湍瀾同館友善文湍以母喪歸服闋將入都至錢塘疾作死杭有神降自

稱戚編修死為錢塘潮神人敬祠之弘治甲寅

瓊山夫人吳氏至京師道出鄱陽夜夢戚揖之

且告以來日將有風波之厄戒勿行比明天極

晴朗夫人故以他事緩之同艤數十舟行無何

皆遇暴風雨漂沒獨夫人舟無恙至京以告公

公為詩文遣官齎御酒香帛至浙江屬布政使

李贊望錢塘祭之其詩曰幽顯殊途隔死生九

原猶有故人情曼卿真作蓉城主太白常留翰

苑名念我明明來入夢哀君惻七每吞聲朝回
坐對黃封酒悵歎雞壇負舊盟明年公薨夫人

扶柩歸經錢塘時贊猶在任仍設祭江滸以戚

公配享

戚李士瀾美髯院中呼戚鬚與陳司成
鑑會宴校漆木壺陳顧戚曰戚鬚投漆

壺真壺也假壺也戚應声曰
陳鑑看臣鑑善鑑欬惡鑑欬

吳伯通

字原明蜀順慶
人彭教榜進士

吳伯通為浙省提學副使士子專取功夫時初李
作文多不根為其罷出者衆羣往御史臺求試

御史復發吳公吳出題鼃鼃蛟龍魚鼈生焉論

題乃一滾出來文難措辭而論又涉于性理取

者無幾甚為吳所辱有嘲之者曰三年王制選

英才督學無名告栢臺誰知又落吳公網魚鼈

蛟龍滾出來聞者絕倒

正德中御史某按浙以
龍宮海藏命題試且云

記出處者東立不記者西退東西各半已而東
立者所作不稱意無賞西退者作詩誚之云東

廊且莫笑西廊我笑東廊枉自忙海
藏龍宮無你分大家隨我渡錢唐

陸容

字文量著述甚富有式
齋稿菽園雜記等書

陸式齋少美風儀天順三年應試南京館人有女善吹簫夜奔公寢公給以疾與期後夜女退遂作詩云風清月白夜牕虛有女來窺笑讀書欲把琴心通一語十年前已薄相如遲明托故去之是秋領薦時年二十四

陸式齋在成化間畱滯郎署最久其遷職方也李西涯時爲學士戲語之曰先生其知幾乎曷爲又入職方也式齋應聲曰太史非附熱者奈何

只管翰林耶聞者以爲善謔

陸式齋一日與張給事宴投壺中耳給事曰信是陸兵曹開手便中帖木耳式齋荅云可惜張給事閉口常學磨堯堅給事有慚色

焚書祇是要人愚人未愚時國已虛惟有一人愚不得又從黃石讀兵書此題焚書坑不知何人所作陸式齋常誦之

吳中鄉村唱山歌大率多道男女情致而已惟一

歌云南山脚下。一缸油。姊妹兩箇合梳頭。大箇梳做盤龍髻。小箇梳做羊蘭頭。不知何意。朱廷評樹之嘗以問陸式齋。陸思之翼日報云。此歌得非言人之所業本同。厥初惟其心之趣向稍異。則其成就遂有大不同者。作如是觀。可乎。樹之云。君之穎悟過我矣。作如是觀。此山歌第一曲也。

莊杲

字孔陽。江浦人。羅倫榜進士。成化丁亥。上命製明年元宵煙火花燈令。翰

林各賦詩為上元賞翫之具。時黃仲昭棄懋為編脩。杲為檢討。不應制。先是倫以論李賢被謫。號翰林四諫。

莊杲喜為詩詠。包節婦云。二十夫君棄妾身。諸郎癡小舅姑貧。已甘薄命同衰葉。不掃蛾眉別嫁人。化石未成猶有淚。舞鸞雖在不驚塵。鎖窗獨對東風樹。歲歲花開他自春。羅一峰見之曰。可。以泣鬼神矣。杲不以為然。惟乾坤鳶魚老眼脚頭之類。自謂為佳云。

陳公甫作詩多用日月莊孔陽多用乾坤有朝者
曰公甫朝朝吟日月莊生日日弄乾坤

莊定山詩贈我一壺陶靖節還他兩首邵堯夫有
滑稽者改作外官荅京官苞苴云贈我兩包陳
福建還他一匹好南京聞者捧腹

張弼

字汝弼華亭人羅倫榜進士家近東海因以自號

張東海下第渡江賦詩云揚子江頭獨問津風波
如舊客愁新西飛白日忙于我南去青山冷笑

人孤枕不離鄉國夢救裘猶帶帝城塵交遊落
落俱星散吟對沙鷗一愴神

張東海作假髻篇諷刺時事其詞曰東家女兒髮
委地日日高樓理高髻西家女兒髮垂肩買妝
假髻亦莪然金釵寶鈿圍珠翠眼底誰能辯真
僞天桃窻下來春風假髻美人先入宮當路銜
之乃出領郡符爲南安守南安小郡也以張故
爲名邦

張東海將赴南安作長短句一篇云東海先生歸也。南安太守新除。一挑行李兩船書。被人笑道痴愚書也。書寒不堪穿。饑不堪煮。收拾許多何用處。况而今白髮蒼顏。坐黃堂之署。乘五馬之車。那得工夫。再看渠。又將載到南安去。古人糟粕。誰味真腴。枉說道黃卷中時。與聖賢相對語。張汝弼赴南安道經毘陵時。陸詹事簡方得告南歸。張訪之。適展幕不及見。乃索紙筆題一絕於

陸世經堂徑去詩曰。雲意模糊雪意兼。六龍城下晚風尖。始知東閣先生貴。不放南安太守參。詹事歸亟追之。已行遠矣。既去復令驛吏裹送武城梨數顆。亦侑以詩。有毘陵驛裏饋生梨之句。蓋叶梨爲離亦戲也。此後不復一見。以終遂以爲讖。

成化間妖人王臣者跛一足。人稱王瘸子。遊食京師。以左道事中貴。得授錦衣千戶。請爲上合

大丹以採藥爲名與中貴偕出川廣直浙等處
買辦搜索寶玩需求珍異騷擾郡縣及回京爲
各處撫巡守令交章飛劾而科道併彈於是
上大怒斬臣首傳詣所歷地方梟令民心大快
初臣至廣東張東海時守南安目覩其驕橫嘗
作詩歎曰過嶺囊箱下瀨船丁夫晝夜少安眠
薄田蕩盡猶輸稅惡客時來橫索錢窮髮東南
皆赤子舉頭西北是青天不才無計甦民困食
祿乘軒自赧然

王景明之南京張東海贈之詩曰谷陽城外送離
船矯首南都思惘然一語煩君三致意同鄉同
志及同年冬官王公偉輩以爲未盡交游者乃
益之曰同官同事同游者問及都將此意傳因
著六同詩話

張東海休致既早子皆成名殊無一事累心蘇州
別駕周德中目爲神仙太守張以詩答云歸休

太守似神仙。布被蒙頭。日夜眠。却怪門前來熟客馬蹄踏破紫芸烟。

張東海咏寒號蟲云。得過且過。飲啄隨時度朝暮。得隴望蜀。徒爾爲未知。是福還是禍。得過且過。張東海過蘇步坊賦詩曰。東坡昔日此閑行。此地遂畱蘇步名。何事章惇瘞毛骨。子孫羞認是先塋。

宋徽宗時朱勔領花石綱。有龍鱗薜荔一株。質銀

二千兩。東海偶見薜荔。感而賦之。薜荔長龍鱗。相看似可人。聖朝無良獄。那值二千銀。

陳獻章

字公甫。居廣之新會縣白沙村。天下稱白沙先生。至兒童婦女亦皆目爲陳道。統云嘗夢拊石琴。見一偉人。笑謂曰。八音中惟石音難諧。今諧。若是子異日得道乎。因別號石齋。既老更號石翁。

陳白沙當成化初會試。雖負重名。亦投時好。競出新奇。作老者安之。朋友信之。少者懷之一題。其破云。物各有其等。聖人等其等。考官戲批其傍。

云若要中進士。還須等一等。傳者莫不絕倒。
陳白沙下第有神見夢於人曰。陳先生卷爲某投
之水矣。先是獻章寓居神樂觀。科道羣公往來
請益。旣而某被劾。疑出白沙。故特惡之。且曰。彼
戴秀才頭巾。爾動人。若是脫居要路。當何如耶。
揭曉編修李東陽爲同考官。主書經房。索落卷
不可得。欲上章自劾。冀根究焉。不果。時京師有
會元未必如劉戩。及第何人似獻章之謠。以及

輿夫販卒莫不嘖嘖歎恨。

戩字景元。安福人。後乙未榜眼。及第。

成化壬寅。陳白沙應詔之京。道過南安。太守張東

海欲用曹參禮。蓋公故事。款畱數月。受教白沙。

不可東海不能強。白沙有詩曰。玉枕山前途。使

君西風吹破玉臺巾。巾乃白沙自製。類華陽巾。

直方而無襞。憤者東海恨。謂白沙譏已。遂以一

絕激之。曰。白沙村裏玉臺巾。不奈風吹易染塵。

莫笑烏紗隨俗態。宋廷章甫是何人。白沙得詩

謂東海侮已太甚。便口占玉枕山詩曰：一枕橫
秋碧玉新。金鰲閣上見嶙峋。使君得此元無用。
賣與江門打睡人。東海和答曰：炎瘴多收一雨
新。獨看天柱聳嶙峋。橫秋玉枕真無用。自是乾
坤不睡人。天柱峰亦南安照山也。蓋東海欲自
依天柱而以玉枕與白沙云。既而又作二絕。客
囊羞澁客衣單。却買南安玉枕山。縱有枕頭那
得睡。雞聲催入紫宸班。寄語江門打睡人。而今

天地正芳春。覺來莫管閑花鳥。須掃崑崙頂上
塵。又繼之一絕曰：青茸鋪榻玉枕橫。白雲爲被
天作幃。東海先生睡不着。日月當天正大明。未
幾武選郎餘干蘇文簡由廣東使還。具道白沙
之師吳康齋亦千載人物。東海方悟不惟深喜
得聞前輩名德有所持循。且以謝玉臺巾之過
漫賦一詩曰：耳根何處得浮塵。浪說康齋識未
真。風月周臺燈火夜。伊川路上見斯人。因遺書

白沙曰玉枕山不必買當長揖白送矣

張東海又有贈陳白沙一絕云平生渾未識丹砂

赤土時將向客夸忽憶自家丹一寸辰砂猶自

隔天涯蓋譏其不得進士乃假道學以欺人也

此時猶未釋然於白沙故云

按察使薛綱始疑白沙及見即欲解官從學有詩

曰欲拋事業畱門下老驥那能學駿奔進士姜

麟以史事使貴州特取道如白沙以師禮見至

京師有問之對曰活孟子活孟子

憲廟升遐哀詔至廣白沙哭之慟有詩曰三旬白

布裹烏紗六載君恩許臥家溪上不曾攜酒去

空教明月管梅花成化丙午嘉興巫者召仙降筆問時事以十二辰為詩云

勸君莫讀相鼠詩勸君莫歌飯牛辭騎虎之勢不能下狡兔三窟將焉之神龍未遇困淺水虺

蛇鰕鱔爭雄雌千金駿馬買死骨神羊觸邪安所施沐猴也作供奉官鬪雞亦是五百兒獠犬

下陞走牧猪奴獻令人嗤次年憲宗厭代

白沙初年甚窶嘗貸粟於鄉人都御史鄧廷瓚檄

卷八下

有司月致米一石歲致人夫二名却之以詩云
孤山鶴啄孤山月。不要諸司費俸錢。行人左輔
出使外夷以其師意致白金三十星亦拒而不
受

白沙能作古人數家字天下人得其片紙藏以爲
家寶山居筆或不給至束茅代之晚年專用自
成一家時呼爲茅筆字有詩曰神往氣自隨。氤
氳覺初沐。聖賢一切無。此理何由矚。調性古所

聞熙熙兼穆穆耻獨不耻獨茅根萬莖禿

弘治間李若虛任廣之憲使有以舊交謁者若虛
轉致以見白沙併求言贈之白沙少學於臨川
吳聘君詢知其所居與舊同學聘君之壻厚
郭胡君全者爲里閭乃以幅紙寫一絕云居鄰
厚郭一雞飛桂樹于今大幾圍老憶舊時燈火
伴青山何處望霏微桂樹乃昔遊豐城時見胡
庭之所植也蓋以憲使代請不得不言在其人

又不欲輕言故贈之如此

陳白沙善畫梅人持紙求索者多無潤筆白沙題其柱云烏音人人來或詰其旨乃曰不聞烏聲曰白畫白畫客爲之絕倒

弘治庚申三月白沙病亟前數日蚤具朝衣朝冠命子弟扶掖焚香北面五拜三叩首曰吾辭吾君復作一詩云託仙終被謫託佛乃多修弄艇滄溟月聞歌白玉樓曰吾以詘世歿之日頂出

白氣勃勃如蒸竟日乃息

胡居仁

餘干人敬齋先生

胡敬齋嘗夜行山曲間後有鬼呼胡先生數聲公若不聞鬼復曰我有一對請先生對風急有舟人莫渡公亦不荅復笑曰我替先生對之月明無伴路休行公前行不顧鬼遂不見

胡敬齋嘗過徐孺子祠下作詩曰漢豎紛二不可爲先生明哲已先知如何不把幾微事說向陳

蕃下榻時

陳愛成都人

成化間陳愛隱居華陽有臬使兩以書召見輒逃
不應臬使怒使人拘至將譴責之處士從容以
詩投曰折簡慙慙累見尋布衣寧敢謁朝簪明
公有道持身正賤子無能感德深栢府風霜尊
偉望柴門山水遂閒心雲泥兩地無勞顧魚戀
深淵鳥戀林臬使覽詩從容禮遣之

終

